



Broj: 01/14-02-1083/24-1  
Sarajevo, 28.05.2024.g.

Prilježeno: 28-05-2024			
Org. jed.	BFOJ	Priloga	Vrijednost

## PREDSTAVNIČKI DOM PARLAMENTA FEDERACIJE BiH

Dana 27.05.2024. godine održana je 20. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovalo je osam članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

### DNEVNI RED

1. Razmatranje preporuke Zakonodavno-pravne komisije u vezi korekcije zaključka Odbora koji je uvršten na dnevni red 11. redovne sjednice Predstavničkog doma,
2. Prijedlog Zakona o izmjeni i dopuni Zakona o penzijskom i invalidskom osiguranju – hitni postupak,
3. Prijedlog Zakona o izmjenama i dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata – skraćeni postupak,
4. Nacrt Zakona o likvidacionom postupku,
5. Prijedlog Odluke o prihvatanju dodatnog zaduženja po Sporazumu o zajmu između Bosne i Hercegovine i OPEC fonda za međunarodni razvoj za realizaciju Projekta Koridor Vc dionica: Nemila – Donja Gračanica (Zenica sjever) poddionica: Vranduk – Ponirak,
6. Inicijativa za uvođenje/ugradnju u Prijedloge zakona o porezu na dohodak i doprinosima kategorije 13. neoporezive plate, koju je pokrenula Amra Junuzović – Kaljić, zastupnica u Predstavničkom domu Parlamenta Federacije Bosne i Hercegovine,
7. Inicijativa za razvijanje informacionog sistema putem kojeg će se elektronski povlačiti podaci iz MIP-1023 o isplaćenim plaćama i drugim oporezivim приходима zaposlenika od nesamostalne djelatnosti, koju je pokrenula Amra Junuzović – Kaljić, zastupnica u Predstavničkom domu Parlamenta Federacije Bosne i Hercegovine,





8. Inicijativa za izuzeće u naplati doprinosa za zdravstveno osiguranje u trenutnom, te novom Prijedlogu Zakona o doprinosima za uplate iz inostranstva, koju je pokrenuo Klub Naroda i pravde – Pomak,
9. Inicijativa za izmjenu Uredbe o naknadama koje nemaju karakter plaća, koju je pokrenula Begajeta Čaušević, zastupnica u Predstavničkom domu Parlamenta Federacije Bosne i Hercegovine,
10. Inicijativa za izvorno – autentično tumačenje vezano za Zakon o porezu na dohodak i Zakon o doprinosima u FBiH, a koji se odnosi na stipendiranje uposlenika Elektrotehničkog fakulteta Univerziteta u Sarajevu, broj: 01,02/-02-795/24, od dana 03.04.2024. godine,
11. Informacija koju su dostavili predstavnici malih dioničara EP BiH,
12. Tekuća pitanja.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:

## IZVJEŠTAJ

### Ad-1

Uvodno izlaganje dao je Slaven Raguž – član Odbora koji je prisustvovao sjednici Zakonodavno – pravne komisije i detaljno upoznao Odbor sa preporukom ove Komisije da se Zaključak Odbora, koji je uvršten na dnevni red 11. redovne sjednice Predstavničkog doma koja će se održati 28.05.2024. godine, nomotehnički koriguje i kao takav ponovno dostavi u parlamentarnu proceduru.

Nakon uvodnog izlaganja, Odbor je jednoglasno prihvatio preporuku Zakonodavno-pravne komisije i postupit će u skladu sa istom.

### Ad-2

Nakon uvodnog izlaganja prisutnog predstavnika Federalnog ministarstva rada i socijalne politike, Odbor je obavio diskusiju i jednoglasno donio sljedeći

## Zaključak

Odbor za ekonomsku i finansijsku politiku prihvata Prijedlog Zakona o izmjeni i dopuni Zakona o penzijskom i invalidskom osiguranju po hitnom postupku i predlaže da ide u daljnu parlamentarnu proceduru.



### **Ad-3**

Uvodno izlaganje dao je predstavnik Federalnog ministarstva prostornog uređenja, nakon čega je Odbor obavio diskusiju i jednoglasno podržao sljedeći

#### **Zaključak**

Odbor za ekonomsku i finansijsku politiku prihvata Prijedlog Zakona o izmjenama i dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata po skraćenom postupku i predlaže da ide u daljnju parlamentarnu proceduru.

### **Ad-4**

Nakon uvodnog izlaganja predstavnika Federalnog ministarstva pravde, Odbor je obavio diskusiju i jednoglasno donio sljedeći

#### **Zaključak**

Odbor za ekonomsku i finansijsku politiku prihvata Nacrt Zakona o likvidacionom postupku i predlaže da ide u daljnju parlamentarnu proceduru.

### **Ad-5**

Uvodno izlaganje dao je predstavnik Federalnog ministarstva finansija, nakon čega je Odbor obavio diskusiju i jednoglasno donio sljedeći

#### **Zaključak**

Odbor za ekonomsku i finansijsku politiku prihvata Prijedlog Odluke o prihvatanju dodatnog zaduženja po Sporazumu o zajmu između Bosne i Hercegovine i OPEC fonda za međunarodni razvoj za realizaciju Projekta Koridor Vc dionica: Nemila – Donja Gračanica (Zenica sjever) poddionica: Vranduk – Ponirak.



## **Ad – 6, Ad – 7 i Ad – 8**

Odbor je ove tačke dnevnog reda razmatrao zajedno zbog sličnosti tematike. Uvodno izlaganje dala je Amra Junuzović – Kaljić, zastupnica u Predstavničkom domu i predsjednica Kluba Naroda i pravde – Pomak, te veoma detaljno upoznala Odbor sa dostavljenim inicijativama. Nakon uvodnog izlaganja, Odbor je obavio diskusiju i jednoglasno podržao sljedeće zaključke:

1. Odbor za ekonomsku i finansijsku politiku podržava Inicijativu za razvijanje informacionog sistema putem kojeg će se elektronski povlačiti podaci iz MIP – 1023 o isplaćenim plaćama i drugim oporezivim prihodima zaposlenika od nesamostalne djelatnosti, koju je pokrenula Amra Junuzović – Kaljić, zastupnica u Predstavničkom domu Parlamenta Federacije BiH.
2. Odbor za ekonomsku i finansijsku politiku traži od Vlade Federacije BiH i Federalnog ministarstva finansija da što prije u parlamentarnu proceduru dostave set fiskalnih zakona (Zakon o porezu na dohodak i Zakon o doprinosima), te da u okviru istih razmotre i ove dvije inicijative, to jeste Inicijativu za uvođenje kategorije 13. neoporezive plate kao i Inicijativu koja će omogućiti zdravstveno osiguranje svima onima koji prethodno uplate doprinose (uplate iz inostranstva) s ciljem ispravljanja nepravde koja trenutno postoji.

## **Ad – 9**

Na sjednici Odbora nije bilo prisutnog podnosioca Inicijative, tako da je Odbor zauzeo stav da će dostavljenu Inicijativu razmotriti kada na sjednici Odbora bude prisutan podnosilac Inicijative u skladu sa članom 51. Poslovnika Predstavničkog doma.

## **Ad-10**

Odbor za ekonomsku i finansijsku politiku je razmotrio Inicijativu za izvorno – autentično tumačenje vezano za Zakon o porezu na dohodak i Zakon o doprinosima u FBiH, a koji se odnosi na stipendiranje uposlenika Elektrotehničkog fakulteta Univerziteta u Sarajevu, broj: 01,02/-02-795/24, od dana 03.04.2024. godine kao i Izjašnjenje Vlade FBiH na Inicijativu za davanje autentičnog tumačenja u vezi sa



Zakonom o porezu na dohodak i Zakonom o doprinosima u Federaciji BiH, broj: 01,01/c-02-795/24, od dana 06.05.2024. godine, te jednoglasno podržao Izjašnjenje Vlade Federacije BiH koja smatra da tumačenje Zakona o porezu na dohodak i Zakona o doprinosima nije potrebno, imajući u vidu da "način isplate stipendije" čije se izvorno tumačenje traži, ovi zakoni ni ne reguliraju, a podnosilac Inicijative nije naveo ni konkretne odredbe Zakona ili drugog akta koje smatra nedovoljno jasnim, što je obavezno u skladu sa članom 207. stav 1. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24).

**Ad – 11.**

Uvodno izlaganje dali su predstavnici malih dioničara EP BiH nakon čega je Odbor obavio diskusiju i jednoglasno podržao sljedeće zaključke:

1. Odbor za ekonomsku i finansijsku politiku će u saradnji sa Odborom za energetiku, rudarstvo i industriju Predstavničkog doma održati Tematsku sjednicu u Parlamentu Federacije BiH o ovoj problematici, a najkasnije do kraja tekuće godine.
2. Odbor za ekonomsku i finansijsku politiku traži od Elektroprivrede BiH da zajedno sa upravama rudnika utvrdi uzroke lošeg poslovanja u rudnicima uglja za prošlu godinu i predloži mjere kako bi se ispunio Plan i program rada u narednim godinama, te nakon toga izvijesti Odbor putem Federalnog ministarstva energije, rudarstva i industrije.

**Ad – 12.**

Predsjednik Odbora je upoznao prisutne članove Odbora sa pristiglim zahtjevima od strane Vijeća stranih investitora, Međunarodnog republikanskog instituta (IRI) kao i Misije OSCE –a u BiH za zajedničkom saradnjom u skorijoj budućnosti.

**PREDSJEDNIK ODBORA**



BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM  
*Odbor za ekonomsku i finansijsku politiku*



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ПАРЛАМЕНТ ФЕДЕРАЦИЈЕ  
ПРЕДСТАВНИЧКИ ДОМ

BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES

---

  
Admir Čavalić